



Agoizko Udala
Ayuntamiento de Aoiz
Nueva, 22
31430 Aoiz-Navarra



Euskara Arloa
Área de Euskara
Karrika Berria, 22
31430 Agoitz-Nafarroa
Tel: 948 33 65 65
euskara@aezkoa.net

EUSKARA IKASTEKO DIRULAGUNTZEN DEIALDIA

2018-2019 Ikasturtea

Agoizko Udalak, Euskara Arloaren bidez, 2018ko iraila 2019ko abuztua bitartean euskara ikastaroak egin dituztenentzako dirulaguntza eskatzeko deialdia egiten du. Honakoak dira.

BALDINTZAK

Lehenengoa.- Deialdiaren xedea.

- 1.1. Deialdi honek arautzen dituen beken xedea da euskara ikasteak sortzen duen gastua hein batean finantzatzea
- 1.2. Dirulaguntza hauek 2019ko jardunaldi ekonomikoko 1 3350 489 000 1, Euskara sustatzeko dirulaguntzak, kontu-sailaren kargura joanen dira. Horretarako **2.500 €** aurrekontua dago.

Bigarrena.- Dirulaguntza eskatzeko baldintzak..

- 2.1. Honako baldintza hauek betetzen dituztenek eskatu ahalko dute euskara ikasteko beka:
 - 16 urtetik gorakoa izatea.
 - Agoitzen erroldatua egotea, dirulaguntza eskatzen duen egunetik hasi eta, gutxienez, urte bat legenago, eta, modu beran ere, diru-laguntza eskatzen duen ikastaroa irauten duen denboraldian.
 - Gutxieneko asistentzia izatea, %80koa.
- 2.2. Diru-laguntza hauetatik kanpo geldituko dira Agoizko herritarrak izan eta izan eta euskarazko birziklapen programetan dauden administrazioko langileak.

Hirugarrena.- Diruz laguntzen diren ikastaro mota.

- 3.1. Diruz lagunduko dira Euskara ikastea helburua duten ikastaro mota guztiak: estentsiboak, trinkoak, barnetegiak... Autoikaskuntzako eno edo eskola partikularren kasuan, Udalak eskaeren bideragarritasuna aztertuko du eta aurrekontuko partidaren arabera erabakiko du dirulaguntzaren zenbatekoa.
- 3.2. Eskatzaileek bi deialditan bakarrik jaso ahalko dute beka maila bereko ikastaro batengatik. Hau da, aurretik lagundutako maila bigarrenez lagunduko da; betiere, eskatutako gutxieneko asistentzia egiaztatzen bada (eskola ordu guztien %80).

Laugarrena.- Eskaerak aurkezteko epea eta lekua.

- 4.1. Eskaerak Udaletxeko Euskara Zerbitzuan aurkeztu ahalko dira 2019ko **irailaren 30eko 13:00ak** arte. Epea luzaezina izanen da.
- 4.2. Aurkeztutako eskariak deialdi honetan ezarritako eta zehaztutako baldintza eta dokumentu guztiak izango ez balitu, hamar eguneko epea (luzaezina) emanen zaio eskatzaileari hori zuzentzeko. Epe hori amaituta

eskatutakoa egin ezean, eskaera deuseztatuko da, eta, horretarako, aldez aurretik Herri Administrazioen Araubide Juridikoaren eta Administrazio Prozedura Erkidearen Legeak, 71. artikuluan oinarritutako ebazpena emanen da.

Bosgarrena.- Aurkeztu beharreko agiriak

- Dirulaguntza eskaria. Eredua Euskara Zerbitzuan eskatu edo/eta bete ahalko da.
- Ikastaroa antolatzen duen entitatearen ziurtagiria, horren ezaugarriak zehazten dituen: iraupena, maila, kostua, hala nola dirulaguntza eskatzen duen ikasleak izan duen asistentzia portzentajea.
- Matrikularen ordainagiria edo entitatearen ziurtagiria ikastaroaren kostuaren %100 jaso eta ordaindu dela adierazten duena.
- Dirulaguntza jasotzeko nahi den banku-libretako lehen orriaren fotokopia.

Seigarrena.- Dirulaguntzen zenbatekoa.

- 6.1. Gehienez ere matrikularen kostuaren %50, adierazitako 2019. urterako zehaztutako 2.500 € horiek agortu arte, aurkeztutako eskari guztien artean banatuko dena.

Zazpigarrena.- Eskariak aztertu eta ebaztea.

- 7.1. Aurkeztutako eskari guztiak Euskara Arloak aztertuko ditu. Horrek ofizioz bideratuko ditu ebazpen proposamena egiteko beharrezko dituen datuak zehaztu eta egiaztatzeko bidezko ikusten dituen eginbideak.
- 7.2. Dirulaguntza Alkatearen ebazpenaren bidez emanen da.

Zortzigarrena.- Ebazpena emateko epea.

- 8.1. Ebazpena hilabete bateko epean eman da, dirulaguntza eskatzeko epea bukatu eta hurrengo egunetik hasita.
- 8.2. Epe hori amaituta, eskatzaileak ebazpenik jaso ez badu, eskaria deuseztatu dela ulertu beharko du.

Bederatzigarrena.- Jakinarazpena.

- 9.1. Dirulaguntzaren ebazpena jakinaraziko zaio eskatzaileari 30/1992 Legeak, azaroaren 26koa, Herri Administrazioen Araubide Juridikoaren eta Administrazio Prozedura Erkidearena, 58. eta 59. artikuluetan ezarritakoari jarraikiz.
- 9.2. Dirulaguntzaren ebazpena eskatzaile guztiei helaraziko zaie. Bertan espresuki adieraziko da zein den deialdia, programa eta horretarako dagoen aurrekontu-kreditua, hala nola jasotzailea, emandako kopurua eta dirulaguntzaren xedea, eta Udaletxeko iragarki oholean argitara emanen da.
- 9.3. Ebazpenaren kontra, bide administratiboa itxiko duena, errekurtsio hauetakoren bat jarri ahalko da aukeran:
 - a) Administrazioarekiko Auzi-errekurtsioa, Nafarroako Administrazioarekiko Auzien eskumeneko organo eskudunari zuzendua, ebazpena jakinarazi eta biharamunetik bi hilabeteko epean.
 - b.) Gora Jotzeko Errekurtsioa, Nafarroako Administrazio Auzitegiari zuzendua, ebazpena jakinarazi eta ondoko hilabetean.
 - c). Berraztertze Errekurtsioa, egintza ebatzi duen organoari zuzendua, erabakia jakinarazi eta hilabeteko epean.

Hamargarrena.- Dirulaguntzen ordainketa.

10.1. Emandako dirulaguntza urtea bukatu baino lehen ordainduko da.